



PROTOCOL

Liug: Casa da scola Vrin

Uras: 20.00 – 21.30

PresentAs: 20 VotantAs

Protocol nr. 8

Tractandas:

1. Beinvegni ed elecziun da dumbravuschs
2. Prelecziun ed approvaziun dil protocol dils 23.02.2018 radunonza generala
3. Rapport annual 2018
4. Quen annual 2018
 - presentaziun
 - rapport dils revisurs
 - approvaziun e descharscha
5. Preventiv 2019
6. Reorganisaziun suprastonza e Cumissiu Fondo Greina
7. Activitads 2019
 - propostas
 - discussiun e decisiun
8. Varia

1. Beinvegni

La presidenta Andrea Portmann fa in cordial beinvegni.

Sco dumbravuschs vegnan Reto Casanova e Gion Antoni Caviezel proponi ed elegi.

Perstgisas: Jovita Vincenz, Filip Vincenz, Manuela e Andreas Reding, Richard e Leonora Caminada, Giuseppa e Gion Antoni Caminada, Dora e Werner Gerber, Emma e Beat Gabriel, Marina Portmann.

2. Prelecziun ed approvaziun dil protocol dils 23.02.2018

Il protocol vegn prelegius ed approbaus unanim.

3. Rapport annual

La cassiera prelegia il rapport annual dil 2018:

- Apero Daniev
- Radunonza generala
- Excursiun a Surcasti 15.08.2018

4. Quen annual 2018

La cassiera presenta il quen dalla Cuminonza Vrin cun entradas da CHF 2'630.- tier expensas da CHF 2'716.90 quei che munta ina sminuaziun dalla facultad da CHF 86.90. Aschia ch' il saldo ei tier CHF 11'600.10.

Martina menziuna che CHF 5'000.- ein aunc adina a disposiziun per perseguitar il project da nums locals.

Tier il Fondo Greina han ins susteniu projects per CHF 19'884.- e CHF 87.80 ha ei dau tscheins dalla banca. Aschia ch' il saldo dil Fondo ei tier CHF 348'475.25.

Il revisurs han dau giu lur rapport en scret e proponan alla radunonza d'approbar il quen e dar descharscha alla suprastonza.

La radunonza suonda a quella proposta, il quen vegn approbaus unanim.

5. Preventiv

Il preventiv muossa entradas da CHF 2'650.- tier expensas da CHF 3'650.- Aschia in surpli d'expensas da CHF 1'000.-. Era il preventiv vegn approbaus unanim dalla radunonza.

6. Reorganisaziun suprastonza e Cumissiun Fondo Greina

La presidenta declara la situaziun:

- Las proximas elecziuns primavera 2021 (cun quei ch'igl actuar vegn neu dalla suprastonza da vischnaunca Lumnezia cun elecziuns igl atun 2020)
- Cuminonza Vrin ha la cassiera demissiunau
- Fondo Greina han l'entira cumissiun schau sentir ch'els vulan calar

Sch'ins vegn buca d'occupar ora ils posts declara la presidenta aunc la varianta: pusseivladad d'introducir in(a) meinagestiu.

Per in meinagestiu stuessen ins midar las statutas ed il regulativ.

La cassiera declara ch'ei seigi impurtont da saver occupar vinavon quels posts per saver ademplir l'incarica da manischar ils daners dil Fondo Greina. Vitier fa ella aunc attent ch'ei fussi giavischeivel che dapli damondas per projects vegnessien inoltrai al Fondo Greina.

Linus Casanova menziuna che la damonda per la Cascharia Vrin seigi aunc deponida tier il Fondo Greina.

Silvio Caviezel ei dil meini ch'ei savessi gartegiar pli tgunsch d'occupar ils posts vacants cun surdar l'incarica administrativa ad in meinagestiu. Quel savessi lu era vegnir indemnisaus, ferton che la lavur dils commembers da suprastonza vegni da principi buca indemnisada.

Ei fuss ina idea d'eleger in(a) commember(a) niev(nova) per la cumissiun Fondo Greina gia il 2020 per haver sil 2021 ina nova cumissiun. Tenor il regulativ astgen buca tut(a)s demissiunar ensemen.

7. Activitads 2019

Ei vegn proponiu da far puspei igl apero Daniev 2020. Cun quei ch'ei setracta d'ina purschida per la populaziun dil vitg che promova la communitad, propona la suprastonza dalla Cuminonza Vrin ch'il Fondo Greina metti a disposiziun annualmein ina summa per curclar ils cuosts dall'occurrenza. La radunonza va d'accord cun quei agir. Ils detagls duein vegnir sclari denter ils gremis dalla Cuminonza Vrin ed il Fondo Greina.

Per il viadi dils 15.08.2019 dat ei treis propostas:

- Spligia ed Andeer (variante 2 viadis 2017) 0 vuschs
- Mustèr (Claustra) 0 vuschs
- Casti Schauenstein (Andreas Caminada) 20 vuschs

8. Varia

Andrea Portmann metta il tema, nums locals aunc inagada sin meisa e surdat il plaid - per declarar la situaziun actuala - a Silvio Caviezel:

- La Fundaziun da cultura Lumnezia planisescha in'ediziun sur l'entira vischnaunca che cumpeglia ils nums locals. Ei duei vegnir presentau fotografias topograficas e dasperas detgas, isonzas ni informaziuns. Schebein tut il material rimnau vegness denton publicaus ei buca enconuschent. La davosa sesida ha giu liug il matg 2017.
- La gruppa locala per Vrin ha rimnau ca. 900 nums. Entgins nums ein aunc da plazzar.

En damonda stat sch'ins duei - sper il project dalla Lumnezia - dar ora in cudisch mo culs nums da Vrin. La suprastonza vegn a prender si contact cun la Fundaziun da cultura Lumnezia per sclarir tgei ch'ei pusseivel e tgei che fagiess senn.

La presidenta siara la radunonza ed envida ad in pign apero.

Igl actuar: Martin Sgier



La presidenta: Andrea Portmann

